



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1510163
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

08 հոկտեմբերի 2020թ.

ք. Երևան

(կազմման վայրը)

Ակտի հասցեատեր

Ա/Ձ ԿԱՐԵՆ ՀԱՐՈՒԹՅՈՒՆՅԱՆ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

6	5	1	1	0	7	1	8
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Լոռու մ. ք. Վանաձոր Երևանյան խճ. 72շ. 41բն.

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 11.09.2020թ-ի թիվ 1510163 որոշման համաձայն Ա/Ձ Կարեն Հարությունյանի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում պարզվել է, որ 15.09.2020թ-ին ժամը 14:10-ի սահմաններում, Ա/Ձ-ի կողմից շահագործվող «Զիլ» մակնիշի 36 ՍՊ 765 հաշվառման համարանիշի բեռնատար ավտոմեքենան Լոռու մ. գ. Քարինջ բաղեր տանող ճանապարհի աջակողմյան հատվածում գործող քարի վերամշակման արտադրամասից դուրս է եկել և ժամը 14:20-ի սահմաններում կայանել է Լոռու մ. գ. Քարինջի գերեզմանատան տարածքում: ՀՀ ՊԵԿ ՀՕՀ վարչության աշխատակիցների կողմից իրականացված ՕՀՄ-ի ընթացքում պարզվել է նաև, որ Ա/Ձ-ի կողմից համագյուղացի Հրոյի պատվերով իրականացվել է՝ ընդամենը 108.000 ՀՀ դրամ արժեքով 12 գմ բազալիտ կալպակի (25սմ*0.4սմ) մատակարարում՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 108.000 ՀՀ դրամ արժողությամբ ապրանքների տեղափոխման համար ընկերության կողմից 15.09.2020թ-ին ժամը 14:40-ի դրությամբ դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է Ա/Ձ-ի կողմից 15.09.2020թ-ին տրված գրավոր հայտարարությամբ:

Թիվ 1510163 արձանագրությամբ 15.09.2020թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել վարչական վարույթին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վարույթ իրականացնող մարմինը վարչական վարույթի նյութերի ուսումնասիրությամբ հաստատված է համարում Ա/Ձ Կարեն Հարությունյանի կողմից ՀՀ հարկային օրենսգրքի 57-րդ հոդվածով սահմանված ապրանքի մատակարարման փաստաթղթավորման պահանջի խախտման փաստը:

Վարչական վարույթի ուսումնասիրության շրջանակներում պարզվել է նաև, որ Ա/Ձ Կարեն Հարությունյանը 12.02.2020թ-ին հարկային մարմին է ներկայացրել միկրոձեռնարկատիրության սուբյեկտ համարվելու վերաբերյալ հայտարարություն:

Համաձայն ՀՀ Հարկային օրենսգրքի 267-րդ հոդվածի 1-ին մասի 1-ին կետի՝ սույն հոդվածի 3-րդ մասով սահմանված պայմանը բավարարող ռեզիդենտ առևտրային կազմակերպությունները և անհատ ձեռնարկատերերը (բացառությամբ սույն հոդվածի 5-րդ մասով սահմանված դեպքերի) միկրոձեռնարկատիրության սուբյեկտներ են համարվում հետևյալ դեպքերում և ժամկետներում.

1) տվյալ հարկային տարվա հունվարի 1-ից մինչև տվյալ հարկային տարվա ավարտը (բացառությամբ Օրենսգրքի 254-րդ հոդվածով սահմանված՝ հարկային տարվա ընթացքում շրջանառության հարկ վճարող համարվելու կամ Օրենսգրքի 59-րդ հոդվածով սահմանված՝ հարկային տարվա ընթացքում ԱԱՀ վճարող համարվելու դեպքերի), եթե հարկ վճարողը մինչև տվյալ հարկային տարվա փետրվարի 20-ը ներառյալ հարկային մարմին է ներկայացրել հարկային մարմնի հաստատած ձևով՝ միկրոձեռնարկատիրության սուբյեկտ համարվելու վերաբերյալ հայտարարություն:

ՀՀ հարկային օրենսգրքի 410-րդ հոդվածի 3-րդ մասի համաձայն՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում Օրենսգրքով սահմանված կարգով միկրոձեռնարկատիրության սուբյեկտ համարվող հարկ վճարողների կողմից ապրանքների մատակարարման կամ տեղափոխության փաստաթղթավորման կամ ապրանքների հետազննության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետազննությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում կիրառվում է նախազգուշացում, իսկ նախազգուշացումը կիրառելուց հետո՝ մեկ տարվա ընթացքում, սույն մասով սահմանված երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ:

Վերը նշվածից ելնելով փաստում ենք, որ Ա/Ձ Կարեն Հարությունյանը, 01.01.2020թ-ին միկրոձեռնարկատիրության սուբյեկտ համարվելու վերաբերյալ հայտարարության ներկայացմամբ 2020թ-ի հունվարի մեկից համարվում է միկրոձեռնարկատիրության

սուբյեկտ, որպիսի հանգամանքով պայմանավորված, 15.09.2020թ-ի թիվ 1510163 արձանագրությամբ ամրագրված խախտման համար վերջինիս նկատմամբ տուգանքի տեսքով հարկային պատասխանատվության փոխարեն նախատեսված է նախազգուշացումը:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

ՀՀ ՊԵԿ ՀՕՀ վարչության 15.09.2020թ-ի թիվ 1510163 արձանագրության հիման վրա Ա/Ձ Կարեն Հարությունյանի նկատմամբ կիրառել նախազգուշացում՝ հարկային պատասխանատվության տեսակը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Միաժամանակ տեղեկացնում ենք, որ ՀՀ հարկային օրենսգրքի 410-րդ հոդվածի 3-րդ մասի համաձայն՝ միկրոձեռնարկատիրության սուբյեկտի նկատմամբ նախազգուշացումը պիտի լինի մեկ տարվա ընթացքում, նույն մասով սահմանված խախտման երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ: